

BERRI OROKORRAK

2018ko urriaren 31ean 8. zenbakia



Euskaraz Bizi!!!!

Hizkuntza-ohiturak aldatu nahi dituzue?

Euskaraldiaren ariketa soziala aurki datorkigunez, Soziolinguistikako klusterretik, **hizkuntza-ohiturak aldatu** zituzten bikotekide batzuen bizipenak partekatu nahi ditugu.

Datozen asteetan, aldaketa emateko **motibazioak**, **zailtasunak**, **estrategiak** eta **gakoak** aipatuko ditugu.

1- Zergatik aldatu edo zerk mugitu zituzten/ Motibazioak.

2-Zailtasunak.

3-Estrategiak.

4-Gakoak

4.- Bizi naizen tokiko hizkuntza eta kultura neureganatzea

Bizi zaren lekuan txertatuta egotea azpimarratzen da kasu honetan. Funtsean, aurreko biak bezala, hau ere lehenengo zergatiarekin oso lotua dago: *euskararen mundu sinbolikoa* eskuratu nahia, *hemengoaren parte* izan nahia...

5.- Besteak niregatik gaztelaniaz egitera ez behartzea

Kontzientzia euskaldun batekin lotuta aipatzen da arrazoi hori, baina besteekiko errespetua edo "ez aldarazi nahia" ere gehitzen zaio kasu horietan.

6.- Seme-alaben etorrera irudikatzea

Normalean, bikote horietan, hizkuntza-aldaketa prozesua seme-alabak izan aurretik abiatu arren, asko aipatzen da aldatzeko zergatietan seme-alaba euskaldunak izan nahia, edota seme-alabei etxe-giro euskaldun bat eskaintzea.

1.-Familien parte-hartzea

Ikastolak lan-talde ezberdinak abian jarriko ditu datorren hiletik aurrera, familien ekarpenak eta iradokizunak jasotzeko ikastolaren antolaketan eta kudeaketan nahiz azpiegiturretan hobekuntzan eta berrikuntzan aurrerapausoak ematen jarraitzeko.

Lan-taldeen helburua eta antolaketa:

-Parte-hartzea: Ikastolako komunitatearen parte-hartzea sustatzea du helburua. Hilean bilera bat ordu eta erdikoa.

-Azpiegiturak: Frontoiaren estaltzea izango da hasierako lantaldearen eginkizun nagusia. Hiru astero ordu eta erdiko bilera. Ezagutza tekniko edota mota horretako obren inguruan eskarmentua izatea lehenesten da.

-Batzorde Pedagogikoa: Ikastolako helburu eta norabide pedagogikoan familien ekarpena jasotzea du helburua. Ikaslearen irteera profila definitzen laguntzea. Urteko lan-taldea. Hilean bilera bat ordu bat eta erdikoa.

Horietako lan-talde batean parte-hartzeko interesa izanez gero, izen-ematea Ikastolako idazkaritzan edota e-mailez usurbil@ikastola.eus egin dezakezue. Zuen izen-abizenak, zuekin harremanetan jartzeko telefono edota e-maila zehaztuaz eta parte-hartu nahi duzuen lantaldea zehaztuz.

2.-Zirimara; bilera-deialdia.

Zirimaran parte hartzen duten haur eta gazteen familiekin bilera egingo dugu **azaroaren 8an, osteguna, arratsaldeko 16:45ean ikastolako jangelan**. Bertan ekintzaren antolaketa orokorraren inguruan hitz egingo dugu, familia-planen inguruko informazioa emango dugu eta gurasoen lehen iritziak jasoko ditugu.

3.-Udarregi Ikastolak, garraio-begiraleen ordezkapenatarako lan-poltsa osatzeko deialdia.

UDARREGI Ikastolak, autobus begiraleen ordezkapenatarako lan-poltsa osatu nahi du:

Ezinbesteko baldintza: euskara jakitea.

Lehentasuna izango dute:

- Ikastolako guraso direnak.
- Usurbildarrak direnak.

Lanaren ezaugarriak:

- Ikastolako autobusa hartzen duten ikasleen zaintza-lana egin.
- Autobuseko lau bidaietan ikasleen zaintza.
- Lan-ordutegia:
 1. 8:20tik 9:00etara.
 2. 12:30etik 13:00etara.
 3. 13:50etik 14:30era.
 4. 16:30etik 17:00etara.

Lan horretan interesaturik bazaude edo informazio gehiago jaso nahi izanez gero, ikastolara dei ezazu telefono honetara: 943-36 12 16 (Ikastolako idazkaritza)

4.-Errigora.

"Nafarroako erriberako uzta euskarari puzka". ERRIGORA egitasmoren udazkeneko kanpaina abiatuko da urriaren 25ean! Nafarroa hegoaldeko tokiko produktuak gure artean saltzearen truke, jasotakoaren %25 zonalde hartako euskalgintza laguntzera bideratuko duen ekimena da ERRIGORA.

Aurtengoan ere bi kutxa izango dira aukeran: ZURIA eta BELTZA. Bakoitza 50€ren truke. Beltza Errigoraren hastapenetakoaren harira, Zuria berrikuntzak biltzen dituena. 23 etxek eskainiko dizkigute haien produktuak. Dozenaka langile. Ehunka nekazari. Bada familia!

Saskiek **50 euroko** salneurria dute eta bertan datozen produktuak hauek dira:

- **Saski beltza:** oliba-olio birjina, ozpin ekologikoa, ardo ekologikoa, muxika almibarrean, orburu-bihotzak, potxak, mahats-zuku ekologikoa, pikillo-piper osoak, borraja ekologikoa, zainzuri zuriak, piper txorizero mamia, tomate frijitua eta arbendolak.
- **Saski zuria:** Txokolatzeko gailetak, ardo eta kanela pastak, teilak, arroza, pasta ekologikoa, zainzuri zuriak, zainzuri-krema, orburuak, pikillo-piper osoa, pikillo saltsa, piperrada, ozpin ekologikoa, eta ardo ekologikoa.

Aurtengorako egin den bideoa <https://www.errigora.eus/errigora-5-urte-euskari-puzka> loturan ikus dezakezue.

Kanpainaren aurkezpena Iruñan egongo da urriaren 24an. Saskiak urriaren 25etik azaroaren 14ra egongo dira salgai. Kutxen banaketa azaroaren 29tik abenduaren 4a bitarte egingo da. Ordainketa kutxa jasotzean egin beharko da.

Jakina den moduan, Errigora ekimenak sustatutako kanpaina honetan bildutako dirua eskualde horretako euskalgintzara bideratuko da.

Azaroaren 12a bitarte, Euskal Herri osoan Nafarroako Erriberako nekazaritza-produktuekin osatutako **otarren eskaera** egin ahal izango da.

OHARRAK ETAPAKA



HE


1.-Ikasturte hasierako gela-bileren egutegia.

Honekin batera Haur Eskolako ikasturte hasierako gela-bileren egutegia helarazten dizuegu.

MAILA	EGUNA	ORDUA	LEKUA
0-1 urte	Azaroaren 6an, asteartea	17:30	Seme/alabaren gelan
1-2 urte	Azaroaren 7an, asteazkena	17:00	Seme/alabaren gelan



Ez dago berririk.



Ez dago berririk.



1.-DBH 1eko ikasleen irteera.

Datorren **asteazkenean**, azaroak 7, DBH 1eko ikasleek **Eureka Zientzia Museora** egingo dute irteera. Asteazkena izanik, 14:30erako bueltan izango dira.

2.-DBH 1eko familiei zuzenduta; orientazio departamentuaren aurkezpen-bilera.

Azaroak 6, asteartea, arratsaldeko **17:00etan** **DBHko eraikinean**, Orientazio Departamenduko aurkezpen-bilera izango da lehenengo mailan dauden ikasleen familiei zuzenduta.

3.-Drogomenpekotasunaren inguruko hitzaldia DBHko gurasoei zuzenduta.

Azaroak 8, osteguna, arratsaldeko **17:00etan** **DBHko eraikinean**, DBHko gurasoei zuzenduta, droga-mendekotasunaren inguruko hitzaldia bideratuko du Izar Arregi Aizpuru psikologoak.